

گوجری کی چوتھی کتاب

4



دی جموں اینڈ کشمیر اسٹیٹ بورڈ آف سکول ایجوکیشن

پہلو ایڈیشن: 2008

دو جو ایڈیشن: 2016

© جملہ حقوق بحق جموں و کشمیر اسٹیٹ بورڈ آف اسکول ایجوکیشن محفوظ ہیں۔

2T August 2015

ناشر کی پہلے سے اجازت حاصل کیے بغیر اس کتاب کے کسی بھی حصے کو دوبارہ پیش کرنا، یاداشت کے ذریعے بازیافت کے سسٹم میں اس کو محفوظ کرنا، یا برقیاتی، میکانکی فوٹوکاپینگ، ریکارڈنگ کے کسی بھی وسیلے سے اس کی ترسیل کرنا منع ہے۔ اس کتاب کو اس شرط کے ساتھ فروخت کیا جا رہا ہے کہ اسے ناشر کی اجازت کے بغیر، اس شکل کے علاوہ جس میں کہ یہ چھاپی گئی ہے، یعنی اس کی موجودہ جلد بندی اور سرورق میں تبدیلی کر کے تجارت کے طور پر نہ تو مستعار دیا جاسکتا ہے، نہ دوبارہ فروخت کیا جاسکتا ہے، نہ کرایہ پر دیا جاسکتا ہے اور نہ ہی تلف کیا جاسکتا ہے۔ کتاب کے اس صفحے پر جو قیمت درج ہے وہ اس کتاب کی صحیح قیمت ہے، کوئی بھی نظر ثانی شدہ قیمت چاہے وہ ربر کی مہر کے ذریعے یا چھپی یا کسی اور ذریعے سے ظاہر کی جائے، تو وہ غلط متصور ہوگی اور ناقابل قبول ہوگی۔

کنیر فاطمہ ڈائریکٹر اکیڈمک
جوائنٹ سیکرٹری سبلی کیشن

نگراں /
اشاعتی صلاح کار

مولفین:

- ڈاکٹر جاوید راہی (کوآرڈینیٹر گوجری)
- منشاء خاکی
- محمد جمیل
- محمد شکیل

For Free Distribution

دی جموں اینڈ کشمیر اسٹیٹ بورڈ آف اسکول ایجوکیشن

سیکرٹری جموں اینڈ کشمیر اسٹیٹ بورڈ آف اسکول ایجوکیشن

تاج پرنٹرز (رجسٹرڈ) 69/6A نجف گڑھ روڈ، انڈسٹریل ایریا، موتی نگر، نئی دہلی 15 میں چھپوا کر ٹیکسٹ بکس سیکشن سے شائع کیا۔

Design by: TAJ PRINTERS®

Najaf Garh Road, Industrial Area, Moti Nagar New Delhi-15

Mob.: 09266933008, 9818333008, 9818933008

تعارف

ریاستی سرکار کو یوہ تاریخی فیصلو تمام گوجری بولن آلا علاقاں ماتے گجر بچاں واسطے سرکاری تے غیر سرکاری سکولاں ما پہلی جماعت توں گوجری زبان ایک مضمون کا طور پر پڑھائی جے گی، بڑواہم قدم ہے پر اس فیصلہ نا عملی طور لاگو کرن واسطے پہلی شرط گوجری قاعدو تے گوجری کی چوتھی کتاب تیار کرنو تے شائع کرنو تھو۔ یوہ اہم مسئلو جموں و کشمیر بورڈ آف سکول ایجوکیشن نے اپنے ذمے لے کے مچ گھٹ عرصہ ما بخوبی تے خوش اسلوبی سنگ انجام دتو۔ دوجی ضروری شرط ہے اسکولاں ما گوجری پڑھان آلاں اُستاداں کی دستیابی۔ اس مسئلہ کا حل واسطے اسٹیٹ بورڈ آف سکول ایجوکیشن گوجری بولن تے پڑھن آلا موجودہ اُستاداں واسطے ورکشاپ منعقد کر کے تربیت دین کا انتظام کرے گو۔ ان ورکشاپاں ما گوجری پڑھان توں علاوہ گوجری رسم الخط بارے پوری جانکاری دیتی جے گی۔

اسٹیٹ بورڈ آف سکول ایجوکیشن ڈاکٹر جاوید راہی کوچ شکر گزار ہے جنہاں نے کچھ ہی دنوں ما ورکنگ ڈرافٹ تیار کیا۔ تے چوہدری محمد منشا خاکی کو وی بہت مشکور ہے کہ انہاں نے اس سلسلہ ما پور و تعاون دتو۔ بورڈ ڈپٹی ڈائریکٹر اکیڈمکس تے کو وی مشکور ہے۔ نال ہی گرافک ڈیزائنر ہوراں کو وی خاص کر شکر گزار ہے جن کی ذاتی کوشش تے محنت کا نتیجہ ماں گوجری کی یاہ چوتھی کتاب اتنا کھٹ ویلا ما سامنے آسکی۔ اس سارا کم ناسرا انجام دین ما محترمہ کنیر فاطمہ ڈائریکٹر اکیڈمک / جوائنٹ سیکرٹری پہلی کیشن کی ذاتی دلچسپی تے پُر خلوص کوششاں کو وی بڑو دخل ہے۔

یاہ کتاب مہاری پہلی کوشش ہے، اس ما کچھ کمیں ٹرٹیں رہ گئی ویں گی، اس نا پڑھ کے نہ صرف اپنی قیمتی رائے نا؛ نواز یو بلکن جے کدے کچھ غلطی رہ گئی ویں گی ان کی شناخت کر کے ہم نا ضرور دیوتاں جے اگلا ایڈیشن ما اس سلسلہ ما ضروری ترمیم تے اضافہ کیا جاسکیں۔

پروفیسر ظہور احمد ٹاٹ

(چیئر مین بورڈ)

دو گل

گوجری زبان بولن تے پڑھن لکھن آلاں واسطے یاہ فخر تے خوشی آلی گل ہے جے دوجی زبانوں کے نال تان گوجری زبان ناوی نصاب ما شامل کرن بارے ریاستی حکومت نے اہم تاریخی فیصلو لیا ہے۔ یاہ وقت کی لوڑ ہے تے گوجری بولن آلاں کی حوصلہ افزائی وی کیوں جے عالمی سطح وراں حقیقت نا تسلیم کیو گیو ہے جے ماں بولی (مادری زبان) بچہ ناہر طرح کا علم ناں سکھان کو بہترین ذریعو ہے تے خاص کر مُنڈلی سطح کی تعلیم واسطے مادری زبان اس گلوں وی فائدہ مند ہے جے اک تے بچہ نا اپنی وراثت، اپنی ثقافت تے اپنا تمدن بارے جانکاری ملے۔ دو جے وہ کسے قسم کا احساس کمتری یا برتری کو شکار نہیں ہو تو.... اچیو ماحول بچہ واسطے ہر لحاظ سنگ فائدہ مند ثابت وھے گو۔ وقت کا اس تقاضہ نا پورا کرتاں ایک جذبہ کے تحت ریاستی حکومت نے جموں و کشمیر ما بولی جان آلی اکثر زبانوں نا پرائمری سطح توں اسکولاں ما پڑھان کو فیصلو لیا تے ان ما گوجری زبان وی شامل ہے۔ اس کتاب نا تیار کرن واسطے بورڈ آف اسکول ایجوکیشن نے اس سلسلہ ما پہلاں ایک مسودہ تیار کیو تے فر اُس پر ورکشاپ منعقد کر کے مسودہ نا آخری شکل دتی گئی۔ بورڈ ان تمام ممبراں کو بے حد مشکور ہے جہاں نے اس کتاب کا تیار کرن ما اپنو تعاون دیا۔ گوجری کی یاہ کتاب جناب پروفیسر ظہور احمد ڈاٹ (چیئرمین بورڈ آف اسکول ایجوکیشن) تے خاص کر پروفیسر وینا پنڈتا (سیکرٹری بورڈ آف اسکول ایجوکیشن) کی ذاتی کوششاں تے محنت کو نتیجہ ہے۔ اُمید ہے جے مہاری یاہ کوشش آتی نسلاں واسطے کامیاب تے مچ فائدہ آلی ثابت وھے گی۔

مولفین

ترتیب

صفحہ	عنوان	نمبر
III	تعارف	I
IV	دو گل	II
01	حضرت محمد ﷺ	01
06	کشمیر	02
10	چاندی کی چھت	03
16	عید	04
21	حبہ خاتون	05
26	کلمہ کی قسم	06
27	چن تارا	07
33	سوال جواب	08

34	گاں تے بھگیاڑ	09
37	واحد جمع	10
38	گوجری آواز کی پچھان	11
39	گل بات	12
41	مھارو جسو	13
47	بھاند	15
50	دُعا	16
53	کھجور	17
56	پھلاں کاناں دسو	18
57	لوک گیت: بیسا کھی	19





حضرت محمد ﷺ

حضرت محمد صلی اللہ علیہ وسلم مکہ معظمہ کا ایک قریش خاندان ماں حضرت عبداللہ بن عبدالمطلب کے گھر 570ء ماں پیدا ہوا۔ حضور ہوراں کی پیدائش توں دو مہینہ پہلاں ہی اُن کا والد کو انتقال ہو گیا تھو۔ اُن کی عمر جاں چھ ہی سال تھی کہ اُن کی والدہ محترمہ بی بی آمنہ وی فوت ہو گئیں۔ لہذا حضرت محمد ﷺ کی پال پوس اُن کا دادا حضرت عبدالمطلب کے ذمے آئی پر دو سال کے بعد ویہ اس دنیا نا چھوڑ کے ٹر گیا۔ اُن کے بعد حضور ﷺ نا اپنا چاچا حضرت ابوطالب کی سرپرستی حاصل رہی۔ نکلی عمر ماں اپنی گزر بسر واسطے بھید بکریاں نا چارتا رہیا۔ جوان ہوا تے حضرت خدیجہ کی ملازمت اختیار کی۔ حضرت خدیجہ نے اُنھاں کی ایمانداری، انصاف پسندی توں متاثر تھی۔ جہڑی بعد ماں حضور ﷺ کی بیوی بنیں۔

حضرت محمد ﷺ اخلاق کا اچھا، زبان مٹھی، دل صاف، انصاف پسندی، نرمی، اُچروپن تے رحم دلی اُن ماں گٹ گٹ کے بھری وی تھی۔ کدے کسے تے بدلو نہیں لیں تھا۔ فقر تے درویشی کی زندگی گزاریں تھا۔ اس واسطے حضورنا صادق تے امین کہیں تھا۔ بوری کو بستر تے کھجور کھا کے گزارو کریں تھا۔

عبادت کو یوہ حال تھو جے ساری ساری رات خدا کی یاد ماں گزاریں تھا۔ زیادہ تر شہرتوں باہر غارِ حراما عبادت کریں تھا۔ اسے غارِ حراما حضور پر وحی نازل ہوئی۔ حضرت جبرائیل نے بشارت دتی جے اللہ نے تم نا دُنیا کی ہدایت واسطے چُن لّیو ہے ہو راپنو پیغمبر مقرر فرمایو ہے۔ اس بشارت کے ویلے حضرت محمد ﷺ کی عمر چالی (40) سال تھی جد اُنھاں نے اپنا نبی ہون کو اعلان کیو تے اپنی قوم ما اسلام کی تبلیغ شروع کی۔

حضرت محمد ﷺ نے فرمایو جے خدا کی ذات واحد تے لا شریک ہے۔ واہی سارا ناں پیدا کرن آلی ہے تے روزی دین آلی ہے۔ اُس کے کول سارا انسان برابر ہیں۔ امیر، غریب، عربی، عجمی، گورا، کالا کسے ما کوئے فرق نہیں۔ اگر فرق ہے تے وہ ہے انسان کا عملاں کو۔ اللہ ازل توں ہے تے ابد تک رہ گیو۔ ہر انسان پر اللہ کی



سارے اچھون میں اچھا سمجھے جسے سارے اونچوں میں اونچا سمجھے جسے
 ہے ان اچھے سے اچھا ہمارا بی ہے ان اونچے سے اونچا ہمارا بی

عبادت واجب ہے۔ ذات پات کا جھگڑا شیطان کا پیدا کیا واہیں۔ گماہنڈی ناتنگ کرنو بدی ہے۔ بدی تے ظلم
 کو انجام دوزخ کی آگ ہے ہور نیکی تے پیار کو پھل جنت گو پھل ہے۔ خدا کی ذات نان کسے ناشریک بنا نو
 گفر ہے۔ کلمو، نماز، روز و زکوٰۃ تے حج اسلام کا بنیادی رکن ہیں۔

کافر تے جاہل لوک حضور کی تعلیمات توں چو گیا آخریہ مخالفت اس قدر پھیلی کہ 622ء ما مکہ معظمہ
 توں مدینہ شریف ہجرت کرنی پئی۔ مدینہ مالوکاں نے انھاں نا اپنی اکھاں کو بانہل بنا کے رکھیو۔ اسلام کی تعلیم
 سچائی تے سادگی پر منحصر ہے اس واسطے اسلام تیزی نال پھیلن لگو۔ حضور کو وصال 632ء ہوو اُس ویلے مسلمان
 سار اعراب پر چھایا وا تھا۔ حضرت محمد ﷺ آخری نبی ہیں اور قرآن پاک خدا کی آخری کتاب ہے یوہ اہل ایمان
 یعنی مسلماناں کو عقیدو وی ہے تے ایمان وی۔

پر پڑھوتے یاد کرو

معنی	لفظ	معنی	لفظ
پیشن گوئی	بشارت	باپ	والد
ابتداء، شروع	ازل	وفات، وصال	انتقال
آخر	ابد	بدلو	انتقام
جہنم	دوزخ	سچو	صادق
شراب پینی	شراب نوشی	بندگی	عبادت

ان سوالاں کا جواب لکھو

- ۱- حضرت محمد ﷺ کد، رکت تے کس قبیلہ ما پیدا ہوا؟
- ۲- حضرت محمد کا والد کو کے نا تھو؟
- ۳- حضرت محمد ﷺ نے پہلی شادی کس عمر ما کس نال ہوئی؟
- ۴- اسلام کا پنج بنیادی رکن کے کے ہیں؟



دیتا و الفظاں بچوں صحیح لفظ چُن کے خالی جگہاں نا پُر کرو

۱۔ اسلام کا آنا توں پہلاں عرب کالوکاں کی حالت تھی

(بھیڑی، بہتر، اچھی)

۲۔ حضرت محمد ﷺ کی والدہ کوناں تھو

(بی بی حلیمہ، بی بی آمنہ)

۳۔ قرآن پاک پر نازل ہوؤ

(حضرت محمدؐ، حضرت عیسیٰؑ، حضرت موسیٰؑ)

۴۔ حضورؐ گو وصال ماہ ہوؤ

(248، 236، 636ء)







کشمیر

رانا فضل حسین

شاہ ہمدان کا دیس رے صدقے جی میریا کشمیر
جی صدقے اوہ دھرتی پیاری جی اپنا کشمیر
توں ہے جنت میرا من کی ہوں تیرو فرزند
تیری مٹی بچوں اٹھیو میرو نچھ خمیر
کوہ خاراں تیں رحمت چمکی کوہ ماراں ماں لشکی
مکہ اتے مدینہ تیں ات آتی رہ تاثیر





لا اِلهَ اِلاَ اللهُ كَا دِيْنٍ سَنَهِيَا اَيَا
بَلْبَلِ شَاهٍ، عَلِي هَمْدَانِي سَيِّدِ امِيْر كَبِيْرٍ
پُهْلِ وَطْنِ رَعِيْنِ تِيْنِ سُوْهِنُوْ كِيْسِرْ كِيْ پُهْلِ كَهِيْلِي
حَضْرَتِ بَلِ تِيْرَعِيْ نَجْ سُوْبَهِيْ تُوْنِ اِيْرَانِ صَغِيْرِ
نِيْلِمِ بَرَفِ بَلُوْرِيْ دَهْرَتِيْ سَنَكْرُطِ پِيَارَا پِيَارَا
سُحِيْنِ مَحِيْنِ مَنَاں لِيْهِيْ تُوْنِ اِيْرَانِ نَظِيْرِ
رَتِ رَنْگِيَا پُهْلِ كِيْسِرِ لَالَه رَتَا رُوْپِ اِنِ چَهْوَهِيَا
رُوْحِ مَهْجُوْر، غَنِيْ كِيْ پَنْگِرَعِيْ پُهْلِ كِيْ پَتِيْ چِيْرِ

عرش تے جنت تیرے کولوں منگیں حُسن اُدھارا
تیرو رُوپ سنگار نہ سکیو یاہ میری تقصیر
پتر اُپر پانی کے ہے ساہ کوکے ساہ
گئی حیاتی مُر نہیں آتی نالے بگیو نیر
جیس اُسے کو جین سوادی جو کوئے مرن قبولے
چچ اُسے کو ہونو جینو جو بدلے تقدیر
چھاں چنار کی وُلر کنڈے حضرت خضروی سوچے
فضل میرا اقبال کی دھرتی کیو خبرے دلگیر



نظم کو خلاصہ لکھو۔

معنی

لفظ



پُوت، بیٹو	فرزند
خالص، پاک	نچھ
چمکی، ظاہر ہوئی	لشکی
اثر	تاثیر
پیغام	سنہیا
پھلے، مناسب لگے	سو بھے
شکر، برفانیں چوٹیں	سنگڑ
اشمان	عرش
اعتبار	بساہ
غمگین، غمزوہ	دلگیر

چاندی کی چھت

پرانا زمانہ ما اک جنو تھو۔ اس کا ترے پوت تھا۔ بڑا دوائے پوت مچ شریف تے نیک تھا۔ نکلر وی بھیر نہیں تھو۔ پر دوجاں توں ذری ہوشیار تے شرارتی تھو۔ ایک دن بڑا پوت نے باپ نا کہیو ”میرے واسطے ایک نچر خرید لیا نالے کجھ روپیاں کو بندوبست کرتاں جے ہوں باہر جا کے اپنو کوائے کاروبار کر سکوں“۔

”ٹھیک ہے“ اس کا باپ نے کہیو

لڑکو بڑو ہو گیو تھوتے باہر جا کے چار پیسا کما سکے تھو۔ تاں ہی باپ نے اُس نا ایک نچر



تے کچھ چاندی کاروپیاں دے دتا۔ لیکن تر وہاں ہی دناں ماپوت مُڑ کے گھر آرہو۔ نہ ہتھ نچر
کی سیلتھی تہ نہ چاندی کاروپیاں کی تھیلی۔

بڑا پوت نے اپنا باپ نادسیو ”ہوں چلتاں چلتاں ایک جنگل ماہجیو۔ چت ایک وسیع
ڈھوک تھی جس ما بڑی سوہنیں تے صحت مند بھید چریں تھیں۔ ڈھوک کے بچ ہی ایک کوٹھو تھو
جس کی چھت چاندی کی بنی وی ہے۔ مٹاں دیکھتاں ہی مکان کو مالک باہر آگیو تے میرو خیر
مقدمہ کیو“

اُس آدمی نے کہیو ”خدا بتاں اپنی امان مارکھے، آخر توں ات کے کرے تے کیوں آئیو ہے؟“
”میں اُس نادسیو کہ ہوں اپنی قسمت ازمان باہر نکلیو آں“ اُس نے فوراً ہی کہیو
”ٹھیک جگہ پہچو ہے۔ توں میری بھید اں نا دیکھ تے میرو کوٹھو وی دیکھ کتھو شاندار ہے پھر اس کی
خاص گل یاہ ہے جے اس کی چھت چاندی کی ہے۔ چل اسے گل پر تیری میری شرط ہو جائے۔
جے تیں میرا تیں بڑا جھوٹھ بولیو تے ہوں ہار جاؤں گو تے یاہ ساری دولت تیری ہو جائے گی۔
لیکن جے کدے توں شرط ہار گیو تاں یاہ نچرتے چاندی کاروپیاں آلی تھیلی میری ہو جائے گی“
میں سوچیو موقعو چنگو ہے گوڑ مارنو تے گپ بنانی کہڑی اوکھی ہے۔ پھر جے کدے ہوں جیت گیو تے
ساریں بھید اں سمیت یوہ چاندی کی چھت آلو بنگلو میرو ہو جائے گو۔ ہوں شرط لان پر راضی ہو گیو“
پوت نے باپ نادستاں کہیو ”پھر اُس آدمی نے ایک گوڑی گپ سنائی۔ جس کو سچ نان دُور کو
وی تعلق نہیں تھو۔ اس کے بعد میری باری آئی میں اپنا دماغ پر مچ زور گھلیو پر جھوٹھ بولن تے ٹر مارن
ماں ہوں اُس ناہر نہ سکیو۔ بلکن اُلٹو شرط ہار گیو۔ نچرتے روپیاں کی تھیلی اُس آدمی نے نکھس لی تے
ہوں فتو فقیر ہو کے گھر مُڑ آئیو“ یاہ گل کہہ کے وہ رون لگ پیو۔

گجھ دناں کے بعد دو جا پوت نے باپ نا کہیو۔ میرے واسطے وی ایک خچر تے روپیاں کو بند و بست کرتا نجے ہوں وی اپنی قسمت ازمان واسطے ماہر جا سکوں۔“

”ضروری نہیں جھڑی ایک پر بیٹی واہی ساراں پر بیٹے گی۔“ باپ اپنا پوتاں سنگ مچ پیار کرے تھو اُس نے وہ سارو گجھ دو جاں واسطے وی کیو۔ پر تر وہاں دناں کے بعد دو جو پوت وی ٹھگا کے گھر مُد آ یو باہنیں پیریں بغیر خچر تے روپیاں کی تھیلی کے۔ وہ وی چاندی کی چھت آلا کوٹھا کا مالک نان کوڑاں کی شرط ہار کے آرہیو۔ اُس نے اپنا باپ نا سارو قصو سنایو۔

”میں ایک بڑو کوڑ گھڑیو۔ ایک بار لگا تارستاں دناں تک دینہ نہ نہیں چڑھیو۔ دُنیا ما انھیر وچھا گیو۔ بھید پہاڑاں پر چٹا چٹا جنڈاں نالوں نظر آن لگیں۔ مکان مالک اپنا آپ پر ضبط نہ رکھ سکوتے اس نا ہا سو آ گیو۔ بھلا یوہ وی کوئے کوڑ ہے۔ کالا جھڑ نان وی کدے ست دھیاڑا رات ہو سکے کہ دینہ ست دھیاڑا نہ دسے۔ یوہ نہیں ہو سکتو۔ بس ہوں شرط ہار گیوتے اُس نے خچر تے سارا روپیاں لے لیا۔“ اُس کی اکھاں ما اتھروں آ گیاتے اُس کو برو حال ہو گیو۔



ہن آخر نکر دو پوت کی باری تھی۔ اس کوناں عمر تھو۔ وہ وی باپ کولوں ایک خچر تے روپیاں کی تھیلی لے کے چل پیو۔ جے ہوں وی اپنا بھائیاں نالوں قسمت از ماؤں گو۔ اُس نے باپ نا کہیو ”ویہ تکر میں بھید تے چاندی کی چھت آلو بنگلو ہوں جیتوں گو۔“

باپ نے سوچیو اس نان وی وہی ہوے گو جھڑو دو جاں دوہاں پوتاں نال ہو یو۔ پر اُس نا اس کی اڑی منی پئی۔

کیوں ہے اُس کو سلوک تو وہاں نال ایک جیسو تھو۔

عمر نچر پر سوار ہو کے اُسے جنگل در نکل گیو۔ اُس ناوی واہی ڈھوک بھیڈتے چاندی کی چھت آلو
بنگلو تھا یو۔ مکان کا مالک نے عمر کو وی اُسے طرحیا خیر مقدم کیو۔

”نو جوان توں ات کیوں آ یو؟“ عمر نے وی اپنا بھائیوں نالو کہیو ”ہوں اپنی قسمت ازمان واسطے
گھرں نکلیو ہاں“ مالک نے اُس کے سامنے وی واہی شرط پیش کی۔

”تیری میری شرط ہو جائے۔ جہڑ و گوڑتے تے ٹر مارن ماجت گیو دو جا کا مال پر اُس کو قبضو ہو جائے گو یاہ گل

کہہ کے وہ آدمی زور زور نال ہسیو۔ کیونجے دو نچرتے روپیاں کا دو تھیلا وہ پہلاں ہی جیت چکو تھو۔

پر عمر وی کسے توں گھٹ نہیں تھو۔ وہ اپنا بھائیوں کیں گل سُن سُن کے نواں نواں گوڑا قضا گھر تو رہ تھو۔

عمر نے اُس آدمی نا کہیو ”میرا بزرگ دوست! ہوں ٹراں تے گوڑاں توں پہلاں جے کدے تیری اجازت

ہو وے تاں ایک سچو واقعو تیناں سناؤں“

”ایک دفعہ ہوں اپنا باپ نال رہوں تھوتے ہوں یتیم تھو“ یاہ سُن کے وہ آدمی گھورن لگو بھلا یاہ گل وی سچ

ہو سکے۔

”میرے کول ایک لگڑ تھو۔ ایک دھیلاڑے لگڑ کی کنڈ پر کھاد نکل آئی میں کھادنا چھپان واسطے اُس پر مٹی

سٹی۔ مٹی ماگھاہ مول آ یوتے گھاہ بچوں دا کھاں کیں بیل نکل آئیں۔ ان بیلوں نال ہندواناں لگا۔ میں ایک پکو وو

ہندوانو بھنیو۔ میں جس چھری نال اس نا کپیو واہ غائب ہو گئی۔ اس نا ڈھونڈن واسطے میں اپنو ہتھ ہندواناں ماں

گھلیو۔ اس ماں کاے چیز تھی جہڑی میرا ہتھ نا پکڑ کے اندر چھکن لگ پئی۔ ہوں اس ہندواناں ماں گم ہو گیو۔ جدا کھ

کھولیں تے ڈٹھوسا منے ایک بڑو میدان ہے جس ماں فوج لفٹ رائٹ کرے تھی۔ میں جزیل نا کہیو۔ جناب میری

چھری گم ہو گئی اس نا ڈھونڈن ما میری مدد کرو“

جزیل نے جواب دیا: ”ات کھلن کو وقت نہیں کیونکہ بادشاہ کو لڑکوں کو گمراہ ہے۔“

تو مہارے نال آ“ پر ہوں نہ گیو۔ ہوں سو گیو تے میں۔

”میں ڈھواک بڑی پھلی درخت نال لڑھکے تھی۔ میں اس نال توڑ کے اُبالن کی کوشش کی۔ اُبالن نال واہ سو گنا

بڑی ہو گئی جس کے نال پانی باہر آ گیو اتوں ایک ندی بکن لگی۔ جس کے نال پھلی رُہڑ کے میرا باغ ما آ گئی باغ ما

آتاں ہی واہ اپنے آپ مٹی مادھس گئی پھر اس جگہ ایک بوٹو چڑھیو۔ جہڑو دیکھتا ہی دیکھتا بڑو درخت بن گیو۔

اس درخت کی ڈالیاں نال دو طرح کیں پھلیں لگیں جہڑیں اُپروں کالیں تے تلوں چٹیں تھیں۔ میں بوٹاں

نا ذری ہلا یوتے ساری پھلیں جھڑ گئیں۔ میں پھلیاں نا ڈھوک ما کھلیاں چھوڑ یو۔ میں پھلیاں نا چتھ کے داناں کڈھن

واسطے داندا آئیاں پر ویہ قابونہ آیتے رسا توڑ کے نس گیا۔

میں تنگ آ کے اُونٹھ آئیاں پھرو پھلیاں کا داناں کڈھن ماں ہوں کامیاب نہ ہوؤ۔ مٹاں ایک رتا رنگ کی

نکی جہی کیڑی تھاہ گئی۔ اس کے ذریعے میرو کم بن گیو۔ پھلیاں کا داناں کنی ہو گیا۔ میں اُنھاں نا بزار مالے جا کے

دو ہزار چاندی کاروپیاں مانچ چھوڑ یو۔“

عمر اجاں وی تیزی نال اپنی گپ سنان مامصرف تھوتے مالک مکان کی سمجھ ما نہیں آئے تھو وہ کے کرے؟

”میں یاہ سچی کہانی تیناں سنائی جے کدے اجازت ہوئے تاں گجھ کوڑیں ٹروی تیناں سناؤں۔؟“

اُس آدمی تیں نہ رہن ہوؤ تے ہس گیو وہ گڑا کا مار کے ہسیو تے زور نال کہیو: ”جے کدے یاہ ساری گپ

تیری سچ ہے تاں تیرو گوڑ کسو ہووے گو۔ میں ہار من لی تے توں جیت گیو۔ ہوں اس توں بڑی ٹر نہیں سنا سکتو۔ اج

توں یہ بھید، یوہ چاندی کی چھت آلو مکان، میری ساری دولت تیرا بھائیاں کی دولت جو گجھ میرے کول ہے سارو تیرو

ہو گیو تے تیرا توں بڑو گوڑ مارن آلو دنیا ما ڈو جو کوئے آدمی نہیں ہو سکتو۔ تے اج مٹاں وی پتو لگو جے گوڑ مارنو کوئے

فاسیدو نہیں بلکن ساراں کو نقصان ہی ہے۔“

ان سوالات کا جواب لکھو

- ۱۔ ڈھوک ماہنگلا کی چھت کاں کی بنی وی تھی؟
- ۲۔ عمر کا بھائیاں نال کے ہوؤ؟
- ۳۔ باپ نے اپنا ہر ایک پوت نا اپنی قسمت ازمان تے کاروبار کرن واسطے کے کے و تو؟
- ۴۔ چاندی کی چھت آلامکان کو مالک عمر کا بھائیاں توں شرط کس طرح چیتے تھو؟
- ۵۔ عمر نے کے رکھو؟

خالی جگہاں نا پُر کرو

”ہوں چلتاں چلتاں ایک جنگل ماہچھو چت ایک تھی“
”خچر تے روپیاں کی تھیلی اُس آدمی نے کھس لی تے ہوں ہو کے گھر مُڑ آؤ“
دو جا پوت نے باپ نا کہو ”میرے واسطے وی ایک خچر تے کو بند و بست کرو“
پھر کئی دھیاڑا گھر ما اس کہانی کو رہیو۔

دتا و الفظاں نا جملوں ما برتو

کاروبار	چاندی	ڈھوک	بنگلو	چھت	امان
گپ	جھوٹھ	تھیلی	بند و بست	شرط	پہاڑ



عید کو مطلب خوشی کو ہے۔ اس نامُسلمان منانویں تے یوہ خوشیاں کو تہوار ہے۔ عید ترے

ہیں۔ نکلی عید، بڑی عید تے عید میلاد

نکلی عید:

نکلی عید روزاں کا مُکُن پر منائی جائے۔ مسلمان رمضان کو پور و مہینہ روزا رکھن کے بعد

شوال کا مہینہ کی پہلی تاریخ نایاہ عید منانویں۔ اس عید ناڈ و جالفظاں ماروزاں کی عید وی کہیو جے۔ اس

دھیٹڑے رنگ رنگ کا کھانا پکیں، عید کی نماز عید گاہ ماادا کی جائے۔ تے سارا لوک ایک دو جانا عید

مبارک دیں۔ اس دن بچاں نا عیدی دتی جائے۔ ویہ پٹا خا پھٹاویں تے خوشیں منانویں۔



بڑی عید:

بڑی عید جس نا عید الاضحیٰ یا دُوجالفظاں ما قربانی کی عید وی کہیو جے۔ یاہ عید ذی الحجہ مہینہ کی دسویں تاریخ نا منائی جائے۔ اس توں ایک دن پہلاں تمام دُنیا کا مسلمان جہاں نا اللہ نے توفیق دتی ہے مکہ معظمہ ماجج کو فریضو ادا کریں۔ یاہ عید روزاں کی عید یعنی نکلی عید کے دو مہیناتے دس دن کے بعد آوے۔ اس دن مسلمان حضرت ابراہیم کی سُنّت نا یاد کرتاں حلال جانوراں کی قربانی کریں اس واسطے اس نا قربانی عید وی کہیو جے۔

روایت ہے جے ایک دن حضرت ابراہیم نے خواب ما دیکھیو جے وے اپنا لاڈلا پوت اسماعیل نا خدا تعالیٰ کا حکم نال قربان کریں۔ انھاں نے نکلی لو اٹھتاں ہی یاہ خواب اپنا پوت نا سنائی، فرماں بردار پوت نے عرض کی: ”باپ تھارو خواب سچو ہے تم اللہ تعالیٰ کا حکم پر عمل کرو تے میناں قربان کر دیو“۔



لہذا حضرت ابراہیم نے اپنا پوتہ اسماعیل ناموندے مونہہ لٹا کے قربان کرن کی تیاری کی۔
 وہ اپنی اکھ بند کر کے جد چھری پھیریں تھاتاں غیب توں ایک دُنوآت حاضر ہو جائے تے نال
 ہی غیب توں آواز آوے ابراہیم تم اس آزمائش ماپورا اتر گیا تے اپنا پوتہ کی جگہ اس دُنہ ناذیح کرو۔
 یاہ عید ہر سال حضرت ابراہیم کی قربانی کی یادنا تازہ کرے۔

عید میلاد:

یاہ عید ربیع الاول کا مہینہ کی باراں تاریخ نامنائی جائے۔ نبی آخر الزماں حضرت محمد ﷺ کی
 دُنیا ما آمد کی خوشی ما یاہ عید منائی جائے۔ وہ نبی جنہاں نے انسانیت نا جہالت تے ظلم کا دور بچوں
 کڈھ کے حق کا رستہ پر لایو، وہ نبی جنہاں نے دُنیا نا قرآن کریم جیو تحفو عنایت کیو۔ وہ نبی جنہاں
 توں بعد قیامت تک کوئے نبی نہیں آسے۔ اُن کا یوم پیدائش کی یاد ما یاہ عید منائی جائے۔“

ان سوالوں کا جواب لکھو۔

- ۱۔ نکی عید کس مہینہ کی کس تاریخ نامنائی جائے؟
- ۲۔ مسلمان کس مہینہ ماروزہ رکھیں؟
- ۳۔ بڑی عید کس کی یادنا تازہ کرے؟
- ۴۔ مسلمان کس مہینہ کی کس تاریخ حاج کو فریضوادا کریں؟
- ۵۔ عید میلاد کد تے کیوں منائی جائے؟

دوتا و الفظاں کی مددناں خالی جگہاں نا پُر کرو۔

- ۱۔ نکی عید شوال کی تاریخ نامنائی جائے۔
(پہلی، دوجی، دسویں)
- ۲۔ عید میلاد کی باراں تاریخ نامنائی جائے۔
(رمضان، ربیع الاول)



۳۔ حج کو فریضو بڑی عید توں ایک دن..... ادا کیو ہے۔

(بعد، پہلاں)

۴۔ عید کی نماز ماں..... رکعت وھیں۔

(چار، دو، اٹھ)

۵۔ بڑی عید نا..... وی کہو جائے۔

(روزاں کی عید، قربانی کی عید)

دِتا و الفظاں نا جملاں ما استعمال کرو۔





حبہ خاتون

حبہ خاتون کو اصلی ناں زون تھو۔ زون کشمیری زبان ماچن نا کہیو ہے۔ جس کو مطلب ہے مچ سوہنا کووی ہے۔ حبہ خاتون کی پیدائش تے جنم بھومی بارے بکھ بکھ خیال ہیں۔ ایک روایت یاہ وی ہے جے زون علاقہ گریز کا ایک راجہ کی لاڈلی دھی تھی تے اُس کو بیاہ یوسف شاہ چک نال ہوو تھو۔ دوجی روایت یاہ ہے جے زون زعفران زار پانپور کا ایک کسان کی دھی تھی تے واہ پانپور ماہی پیدا ہوئی۔ زون نے اپنی تعلیم ایک مقامی ملّا کولوں حاصل کی، واہ ذہانت ما لڑکاں توں وی ایک قدم اگے تھی۔ زون جد بالغ ہوئی تاں اُس کو بیاہ اپنا خاندان کا ایک ان پڑھ آدمی نال کرا چھوڑیو۔ اُس ناسرتج مانگ کیو جان لگو کیونجے اُس نازکاں ہوتا تو ہی شعر و شاعری تے گان بجان کو شوق تھو۔ زون کی اس عادت نا نفرت کی نظراں نال دیکھیو جان لگو۔ واہ عرصہ تک اپنا خاوند تے سسو کا طعنہ معنائے ظلم سہتی رہی آخر خاوند نے اُس نا طلاق دے چھوڑی یو یاہ اُس دور کی گل ہے جد کشمیر مات کا آخری خود مختار بادشاہ یوسف شاہ چک کی حکومت تھی۔



روایت ہے جے ایک دن زون کیسر کا پھل چٹتاں گھڑی اپنی سُریلی آواز ماسرتج آلاں کا ظلم تے اپنا ڈکھڑایان کرے تھی جے اُسے گھڑی یوسف شاہ چک کی سواری کو گزرا توں ہوؤ۔ یوسف شاہ چک زون کو حُسن تے اُس کی سُریلی آواز سُن کے اُس پر عاشق ہو گیوتے اُس نا اپنی ملکہ بنا کے محل مالے گیوتے زون کے بدلے اُس کو ناں حبہ خاتون رکھیو۔ زون صرف ملکہ ہی نہیں تھی بلکن واہ کشمیر کی پہلی مسلمان شاعرہ بھی تھی۔ اُس ناں سنطور بجان کی وی اٹکل تھی۔ اُس نے اپنی صلاحیت تے ذہانت کے سہارے صوفیانہ موسیقی کو مقام ”راست کشمیری“ ایجاد کیو۔

کشمیر کی تاریخ ماحبہ خاتون ناواہی اہمیت حاصل ہے جہڑی مغلاں کا عہد ماٹور جہان نا حاصل تھی۔ خدا نے اُس نا شعر و شاعری کو سٹھر و ذوق و توتھوتے کشمیری شاعری مارو مانیت کو عنصر اُسے نے داخل وی کیوتے لفظ ”لول“ محبت نا سوتنی طرح نبھایو وی۔ جدا کبر بادشاہ نے یوسف شاہ چک نا دھوکا نال گرفتار کر کے صوبہ بہار مانظر بند رکھیوتے حبہ خاتون اُس کا پھوڑا ما پاگل ہو گئی۔ شاہانہ ٹھاٹھ باٹھ نا چھوڑ کے اپنا محبوب کی تلاش ما پھرتی رہی تے آخر محبوب حقیقی نال جاملی۔ کجھ تاریخ دانان کو کہنو ہے جے واہ یوسف شاہ چک نے اُتے سدلی تھی تے جلا وطنی کی زندگی گزارتاں اُتے فوت ہو گئی۔ جد کہ ایک روایت کے مطابق واہ یوسف شاہ چک کی جدائی ما کشمیر ماہی فوت ہو گئی تے ”پانتہ چوک“ سرینگر سڑک کے کنارے اُس کو مقبرو ہے۔



دیتا و اسوالاں کا جواب لکھو۔

- ۱۔ حبہ خاتون کو اصلی ناں کے تھو؟
- ۲۔ حبہ خاتون کا پہلا خاوند نے اُس نا طلاق کیوں دتی؟
- ۳۔ یوسف شاہ چک کون تھو؟
- ۴۔ یوسف شاہ چک ناکس نے گرفتار کروا یو؟

لکھو، پڑھو تے یاد کرو

معنی

لفظ

معنی

لفظ

گھر آلو

خاوند

چن

زون

زمانو

دور

پیدائش کی جا

جنم بھومی

جدائی، دوری

پھوڑو

پیاری

لاڈلی

کشمیری لفظ محبت

”لول“

مولوی

ملا

لگاؤ

دلچسپی

نکی عمر

بچپن

دیوانی

پاگل



خالی جگہاں نا پُر کرو۔

- ۱۔ زون کشمیر ما پہلی مسلمان تھی۔
- ۲۔ اُس ویلے کشمیر ما کی حکومت تھی۔
- ۳۔ حبہ خاتون نا بجان ما کمال حاصل تھو۔
- ۴۔ واہ اپنا محبوب یوسف شاہ چک کی جدائی ما ہو گئی۔
- ۵۔ حبہ خاتون کو مقبر و سر ینگر ماسٹرک کے کنارے ہے۔

دِتا و الفظاں نا جُملاں ما استعمال کرو۔

شہر	بچپن	قصبو	دیہات	جوانی	بالغ
گسی	ندی	دریا	گراں	بڈھیمو	سمندر
	صلاحیت	ذہانت	علمیت	قابلیت	

دِتا و اِقتباس بچوں اِسْمِ فَعْل تے حرف کنی کر کے لکھو۔

”اُوڑی مارا جو عملی طور پر پوری طرح ختم ہو گیوتھو۔ کیونجے جدی وی اُس نے تاجاکی حرکتاں پر قابو گھلن کی کوشش کی ویہ ساریں ناکام ہو گئیں۔ تاجو کھل مکھلو راجہ اُوڑی کے خلاف میدان ما اُتر آئیو۔ کائے کچھری اچر توڑی نام مکمل سمجھی جائے تھی جد تک تاجو اُس ماشریک نہ ہو تو تمام فیصلہ راجہ کے بجائے تاجا کے ذریعے ہون لگا..... جھڑیں شکار گاہ محض راجہ اُوڑی واسطے مخصوص تھیں جن ور کسے ناہیرن کی اجازت تک نہیں تھی اُن ماتا جو شکار کرن لگ پیو“

ڈاکٹر نصر الدین بارو

کلمہ کی قسم کلمہ کیسے ترے قسم ہیں۔

اِسْم وہ کلمو ہے جھڑ و کسے بندہ، چیز یا جگہ کاننا نا ظاہر کرے۔ مثال کا طور ور:

اکرم، گرسی، جموں، کشمیر، ہاتھی، بوٹو وغیرہ

اِسْم

فَعْل وہ کلمو ہے جھڑ و کسے کم کا ہون یا کرن نا ظاہر کرے۔ مثال کا طور ور:

لکھنو، پڑھنو، گانو، بکنو، لڑنو وغیرہ

فَعْل

حَرْف وہ کلمو ہے جھڑ و دو کلمات نا آپس ما جوڑن کو کم کرے۔ مثال کا طور ور:

پر، نے، تے، ما وغیرہ

حَرْف



چن تارا

تیرے میرے ساراں کو لے
چندو مامو ہے تاراں کو لے

رات کی بستی تاراں نال ہے
سارا ہولا بہاراں نال ہے
یاہ پھل کھیلی بہاراں نال ہے
رونق رنگ نظاراں نال ہے
ڈھوک ما مھارا ڈھاراں کو لے
چن مامو ہے تاراں کو لے



اچا دُور نُواری تارا
پانی ما اشمانی تارا
چن کا سنگی ہانی تارا
گنیا رات زبانی تارا
ایکو ایک ہزاراں کو لے
چن ماموں ہے تاراں کو لے

ڈھوکیں بدل برہیو ایسوں
پانی کٹھو بھریو ایسوں
برہیا تلو ہریو ایسوں
دل نے گوشو کریو ایسوں
اپناں سنگی یاراں کو لے
چن ماموں ہے تاراں کو لے



دھرتی پھلِ اشمان ما تارا

ماہلی ما میدان ما تارا

چمکیں گلِ جہان ما تارا

بستی ما ویران ما تارا

ان کو روپ بہاراں کو لے

چن ماموں ہے تاراں کو لے

ٹم ٹم کرتا نیارا تارا

بھولا بھولا پیارا تارا

تھارا تارا مھارا تارا

ہسین کھیڈیں سارا تارا

ہوں وی جاؤں نظاراں کو لے

چن ماموں ہے تاراں کو لے

محمد منشاء خاکی

سوالات کا جواب دیو:

- ۱۔ نظم کو خلاصہ لکھو
- ۲۔ اس نظم کا شاعر کون ہے؟
- ۳۔ شاعر چند و ماموں کس نا کہہ؟
- ۴۔ شاعر کے کہہ جے رات کی یاہ بستی کس کا سنگ ہے؟
- ۵۔ ڈھوک مامہارا ڈھاراں کولے کون دسے؟
- ۶۔ کس نے کس سنگ گوشو کیو؟
- ٹم ٹم کون کرے؟



پڑھو تہ جملوں ما استعمال کرو:



خالی جگہاں نا بھرو:

تیرے میرے کو لے
چن ماموں ہے کو لے

رات کی تاراں نال ہے
سارا ہولا بھاراں ہے
ڈھوک مامھارا کو لے

چن کا سنگی تارا
گنیا رات تارا





ڈھوکیں برھیو ایسوں

پانی کٹھو ایسوں

دھرتی اشمان ما تارا

ماہلی ما ما تار

ان کو روپ کو لے

..... تاراں کو لے

ٹم ٹم کرتا تارا

بھولا بھولا تارا

سوال جواب

سوال : مھاراملک کی کہیڑی ریاست ماسب توں زیادہ پڑھیا لکھیا لوک ہیں۔؟

جواب : مھاراملک ماسب توں زیادہ پڑھیا لکھیا لوک ریاست کیرالہ ماہیں۔

سوال : مھاراملک کوریلوے نظام کس گلوں مشہور ہے۔؟

جواب : مھاراملک کوریلوے نظام ایشاء ماسب توں بڑوتے دُنیا ماچوتھا نمبر در ہے۔

سوال : مھاراملک کی سب کولوں بڑی مسپت کہیڑی ہے۔؟

جواب : مھاراملک کی سب توں بڑی مسپت جامع مسجد دہلی ہے۔

سوال : مھاراملک کوسب کولوں بڑا دریا کوناں کے ہے۔؟

جواب : مھاراملک کوسب کولوں بڑا دریا گنگا ہے۔





گاں تے بھگیاڑ

سراج الدین ایک جناکوناں تھو وہ جنگل کے منڈھ تے دریا کے نیڑے ایک بستی ما رہ تھو۔ اُس کول ایک چٹارنگ کی گاں تھی۔ اُس گاں کو ایک پچھو وی تھو۔ واہ دودھ دے تھی۔ گھر کا سارا نفر گاں کو خیال رکھیں تھو۔ گاں کا دودھ زیادہ بچا لوک پیس تھو۔ جہڑو انھاں توں بچے تھو اُس نال چاہ، دہی، لسی تے مکھن بناویں تھو۔ ضرورت کے ویلے آہنڈی گماہنڈی وی دودھ تے لسی لے جاتا رہیں تھو۔ گاں کا بڑا بڑا ترکھا دو سنگ تھو۔ جنھاں ناگاں لہر ما آگے دو جاں در اُگارتی رہ تھی۔ سراج الدین نے کئی بار سوچیو جے انھاں نا اُپروں تھوڑا تھوڑا کپ چھوڑو پر کدے اُس نا اس کم واسطے فرصت نہ آئی تے کدے ویلے سر آری نہ تھو ہی۔

ایک دھیائے سراج الدین نے اپنی دھی شیماں نا کہیو۔ بچی تیناں
 اج سکولوں چٹھی ہے توں گاں تے بچھانا دریا کے کنڈھے تلامالے جاتا نچے یہ چرسکیں۔
 سراج الدین کی دھی گاں تے بچھانا لے کے تلاماں گئی۔ گاں تے بچھو گھاہ
 چرتارہیا۔ بچھو بچوں بچوں اُراں پراں کڈاڑی وی لاوے تھوتے شیماں کدے
 اپنوسبق پڑھے تے کدے کھیڈاں مالگ جائے۔ چین چک اُس کی نظر دریا کے
 کنڈھے گھنی جھاڑیاں پر پئی جت گھاہ کا تیل تے پتر ہلیں تھا، واہ سمجھی شاید اُن کو تُو ڈبو ہے۔
 شیماں نے بلانو شروع کیو۔ ”تو..... تو..... ڈبو..... ڈبو“ پر واہ
 یوہ ہیر کے ڈرگئی جے وہ ڈبو نہیں بلکن کُتا کارنگ کو ایک بڑو جانور ہے۔ وہ ڈر کے
 جلدی جلدی بوٹا کا اوہل ماگٹی پر چڑھ گئی۔

گاں دوڑ کے بچھا کے اگے کھل رہی تے اپنا سرنا حملہ واسطے تیار کر کے کھوڑو
 کرن لگ پئی۔ جیسی ہی بھگیاڑ نے بچھا و چھال ماری گاں نے اپنوسراگے رکھیو۔ گاں کو
 ایک تر کھوسنگ بھگیاڑ کا ڈھڈالگو۔ وہ اُسے تیزی نال رت بگتی زخمی حالت ما جھاڑیاں
 نس گیو۔ اتناں ماں بچی نے ڈنڈلا کے بستی کالوک جمع کر لیا۔ ویہ یاہ کہانی سُن کے حیران
 ہو گیا۔ سراج الدین وی آگیو۔ وہ اپنی بچی کی گل سُن کے خوش ہووے تے اللہ کو شکر ادا کیو
 تے گل وی سمجھ ما آگئی جے اللہ نے کائے چیز بلا ضرورت نہیں بنائی۔ جے کدے گاں کا
 سنگ کپیا ہوتا تاں اج بچھانا بھگیاڑ کھا جاتو۔

ان سوالوں کا جواب لکھو۔

- ۱۔ گاں کا سنگ کسا تھا؟
- ۲۔ سراج الدین کی دھی گاں تے بچھانا تلاما کیوں لے گئی؟
- ۳۔ جھاڑیاں ما کے چھپیو تھو؟
- ۴۔ گاں نے اپنا بچہ کی حفاظت کس طرح کی؟
- ۵۔ بچی نے بھگیاڑ نا دیکھ کے کے کیو؟

اس کہانی کو خلاصہ اپنا لکھو۔

۳۔ پڑھوتے دتا و الفظاں نا جملوں ما استعمال کرو۔

مکھن

دہی

گماہنڈی

کھوڑو

ڈو

بھگیاڑ

شکر

ڈنڈ

گھی

ملانی

واحد جمع:

پر ہوتے لکھو

گڑی	گڑیں	بچا	بچو
کاپی	کاپیں	گیرا	گیرو
گرسی	گرسیں	پر دا	پردو
بوری	بوریں	کوٹھا	کوٹھو
ڈھیری	ڈھیریں	بوٹا	بوٹو
پھاڑی	پھاڑیں	لیلا	لیلو
گجری	گجریں	بکرا	بکرو

اُستاد بچاں ناگو جری کی گُجھ خاص آوازاں کی پچھان کراویں۔

بھ	بھانڈ	’ب‘ تے ’پ‘ کے بیچ کی آواز
ڈھ	ڈھول	’ڈ‘ تے ’ھ‘ کے بیچ کی آواز
جھ	جھالر	’ج‘ تے ’ھ‘ کے بیچ کی آواز
دھ	دھی	’ڈ‘ تے ’ت‘ کے بیچ کی آواز
ڈھ	ڈھوک	’ٹ‘ تے ’ڈ‘ کے بیچ کی آواز
گھ	گھوڑو	’ک‘ تے ’گ‘ کی بیچ کی آواز




گل بات

- رفیق : توں کس جماعت ما پڑھے۔؟
- اشرف : ہوں چوتھی جماعت ما پڑھو۔
- رفیق : تیرو گھر کت ہے۔؟
- اشرف : ہم سیال راجوری تے برہیا پہلگام کشمیر مارہاں۔
- رفیق : تم بکروال ہیں۔؟
- اشرف : جی ہاں! ہم بکروال آں۔
- رفیق : تمہارے کول کے مال ہے۔؟
- اشرف : مہارے کول بھینڈ، بکریں تے گھوڑا ہیں۔
- رفیق : توں کس اسکول ما پڑھے۔؟
- اشرف : ہوں اپنا موبائل اسکول ماں پڑھوں۔
- رفیق : تم کتنا بھائی بھین ہیں۔؟



- اشرف : میرا دو بھائی تے ایک بھین ہے۔
- رفیق : تیرے نال مچ پیار کون کرے۔؟
- اشرف : میرے نال اڈو تے اماں دوئے مچ پیار کریں۔
- رفیق : اچھو..... یا فر ملاقات وھے گی اللہ کے حوالے۔
- اشرف : اچھا! اللہ کے حوالے توں وی۔

مہارو جسو



مہاراجسہ ماکنی کنی انگا ہیں۔ کجھ تے باندے جہڑا دسیا جاسکیں۔
جن ماسر، اکھ، کن، نک، ٹھوڈی، مونہہ، بانہہ، ہتھ، کوہنی، انگلیں، جنگھ،
جنوں، پیر، گٹا، چھاتی، ڈھڈ، گردن، موہنڈا شامل ایں۔ کجھ ایک مہارو جو
کے اندر ہویں جہڑا بچن کسے آلہ کے نظر نہیں آتا۔ مثال کا طور و دماغ،
دل، معدو، آنتڑیں، گردا، کالجو، پھسہرا، پتو وغیرہ



سرما دماغ وھے جہڑو پورا نظام نا اپنا قابو مارکھے۔ کوئے اہنگا اس کا حکم
کے بغیر حرکت نہیں کر سکتو۔



مونہ:

مہارا مونہ مادندتے چبھتے ہیں۔ دنداں کے نال ہم اپنی غذا نا چباں جد
کہ چبھ سوا چکھن تے گل بات کرن مادد کرے۔



اکھ:

اکھاں کی مدد نال ہم دیکھاں۔ اس ساری کائنات کو نظارو ہم اپنی اکھاں
نال ہی کر سکاں۔ اکھ انگا وجود کو نازک ترین انگ ہے۔




نک:

نک نال ہم ساہ لیاں۔ اس کے نال سونگھ کے ہم خوشبو تے بدبو نا بکھرو
کر سکاں۔



ہتھ:

ہتھ تے بانہیاں کی مدد نال ہم ہر کوئے کم کراں۔ لکھاں، روٹی کھاں۔
جد کہ جنگھاں تے پیراں کی مدد نال ہم چلاں پھراں۔



معدو:

معدو مھاری کھادی وی غذا نا ہضم کر کے جُسا نا طاقت بخشنے۔



دل:

دل خون نا صاف کرے اور اس نا جسم کا ہر ایک حصہ تک پوہچا وے۔

ان سوالوں کا جواب لکھو۔


- ۱۔ ہتھال نال ہم کے کراں؟
- ۲۔ اکھاں کو کے فائیدو ہے؟
- ۳۔ کناں کو کے کم ہے؟
- ۴۔ دنداں کا کے فائیدا ہیں؟
- ۵۔ دل کے کم کرے؟

پڑھو تے لکھو۔



۳۔ دتا و الفظاں نا کھول کے لکھو۔

- ۱۔ دماغ
- ۲۔ ٹھوڈی
- ۳۔ جنوں
- ۴۔ چبھ
- ۵۔ بھایاں



صحیح جواب ناخالی جگہاں مالکھو۔

- ۱۔ اکھاں نال ہم..... (سُناں، دیکھاں، سُونگھاں)
- ۲۔ نک نال ہم..... (کم کراں، سُناں، سُونگھاں)
- ۳۔ کناں کے نال ہم..... (غذا ناچپاں، سُناں، دیکھاں)
- ۴۔ ہتھاں کے نال ہم..... (ٹُراں، دیکھاں، کم کراں)
- ۵۔ پیراں نال ہم..... (سُونگھا، سُناں، ٹُراں)
- ۶۔ دل..... ناصاف کرے (زبان، خون، پیشام)
- ۷۔ دماغ..... کا نظام ناقابو مارکھے (پیٹ، جسم، مونہہ)





بھاند

ڈاکٹر جاوید راہتی

بیساکھ کا مہینہ مانگو بولے تے ہر پاسے بھاند آن کی خوشی وھے۔ بھاند آتاں ہی لوک ڈھوکاں کی تیاریاں مالگ جائیں۔ شنگراں کی برف گل کے پانی بن جائے۔ تلاسبز چادر مابھلیٹیا واسی ہویں۔ کٹھاں، ندی نالاں مابکتا پانیاں کوشونکار ہوئے۔ پکھنو رنگ رنگ کی بولیں بولیں۔ مانجھیاں تے آجڑیاں کی بنجلی کی آواز کناں ماس گھولتی رہ۔ لگو کی آواز کناں ماپیتاں ہی لوکاں کا چہرا خوشی نال کھل جائیں تے آتی رت کوسواگت کرتاں موسی لوک گیت اس رت کا پانیاں نالوں ام پویں۔



۱۔ پڑھو تے لکھو۔



ڈھوک، شنگر، برف، تلا، چادر
کٹھا، شونکار، پکھنوں، مانجھی، آجڑی
بنجلی، لگو، رت، سواگت، موستی

۲۔ ان سوالاں کا جواب لکھو۔

- ۱۔ برف گل کے کے چیز بنے؟
- ۲۔ پھل کا نہہ نال لگیس؟
- ۳۔ نکاں ما کے چیز آوے؟
- ۴۔ لنگی کس کم آوے؟



مثال دیکھ کے واحد کا جمع بناؤ

بوٹو (واحد) بوٹا (جمع)

واحد کا جمع بناؤ

لڑکو گٹو

نلکو سٹو

پلو لوٹو

۴۔ ان سوالوں کو جواب لکھو۔

۱۔ بھانڈا تاں ہی لوک کا نہہ کی تیاری کریں؟

۲۔ تلاں ماسبرنگ کی کے چیز ہوئے؟

۳۔ گگو کس رت ما بولے؟

۴۔ لوک کاں کو سواگت کریں؟

دُعا

خدایا فضل کر کرم کر خدایا
تیری رحمتاں کا نہیں کوئے پایا

کسے نا خدایا عطا کی امیری
کسے نا غریبی کسے نا فقیری
کسے نا مصیبت کسے پلے مایا
خدایا فضل کر کرم کر خدایا





تیری رحمتاں کو خدایا سہارو
سوا تیرے جگ ما کوئے نہیں ہے مہارو
بدل دے خدایا یاہ غربت کی کایا
خدایا فضل کر کرم کر خدایا
غفلت توں یا ربا ہمنائں بچائیے
کسے سوہنا رستہ کے اپر ہی لائیے
کنہیں دور ہمنیں صبر سنگ لنگایا
خدایا فضل کر کرم کر خدایا

ہووے نور رب کی کدے مہربانی
مشکل وی بن جائے آسانی
تیرے در سوا ہی ہاں مسکین آیا
خدایا فضل کر کرم کر خدایا

نور محمد نور



کھجور

کھجور اک عام بوٹو ہے۔ جہڑو عرب تے ایشیاء کا ملکاں ما پایو جے۔ شمالی امریکہ کھجور کو گھر ہے۔ امریکہ ما کیلی فورنیاں کی کھجور بڑی مٹھی تے مشہور ہے۔ مہارا ملک ہندوستان مارا جستھان تے مہاراشٹر کی ریاستاں ما کھجور کو بوٹو عام وھے۔ مہارا گجھ ہور گواہنڈی ملکاں ماوی کھجور کی پیداوار ہووے۔

دُنیا ما سب توں زیادہ کھجور پیدا کرن آلاترے ملک ہیں۔ پہلو عراق جہڑو رقبہ کا لحاظ سنگ مچ بڑو ملک نہیں ور کھجور کی پیداوار ما سب کولوں بدھ کے ہے۔ عراق ما ڈھائی کروڑ کھجور کا بوٹا شمار کیا گیا ہیں جد کہ کویت کا ملک ماترے لکھ تے دو جاعرب ملکاں ما چھ کروڑ کھجور کا بوٹا تے ایران ما اک کروڑ بوٹا ہیں۔



کھجور کا بوٹا کی عمر عام طور پر ایک ہزار سال وھے۔ اس ناکائے بیماری نہیں لگتی۔ کھجور خاص طور پر مسلمان ملکوں میں استعمال وھے کیوں جے روزاں ما اس کے سنگ افطار کرنو مہار انبی ﷺ کی سنت ہے۔ حضورؐ نے فرمایو جس ناکھجور مہیا ہووے وہ اس کا سنگ افطار کرے۔ آپ کی سنت تھی کہ تم روز و کھجور سنگ کھولیں تھا۔

سائنسی طور پر وی کھجور مچ فائدہ مند پھل ہے۔ کھجور مچ پروٹین وھے۔ تے ہور کاربوہائیڈریٹ تے وٹامن وی وھیں۔ اس ما فاسفورس کی مقدار وی ہے۔ کھجور کنیں روگاں کی دوا سمجھی جے۔ یوہ ہاضمہ کا نظام نامضبوط کرے۔ اس کے علاوہ وی کھجور کا بے بہا فائدہ ہیں۔ کھجور کو پھل بندہ واسطے اللہ تعالیٰ کی نعمت ہے۔



سوالات کا جواب دیو:

- ۱۔ کھجور عام طور پر کن ملکوں میں ملتی ہے؟
- ۲۔ کھجور کی سب سے زیادہ پیداوار کن ملک میں ہے؟
- ۳۔ مہاراجہ نے کن ریاستوں میں کھجور کی پیداوار کو فروغ دیا؟
- ۴۔ کھجور کی فصلوں کے فائدہ کیا ہیں؟
- ۵۔ کھجور کا بوٹا کی عمر کتنی ہے؟

پڑھو، سمجھو، جملوں کا استعمال کرو:



نقشا دیکھ کے پھلاں کا نام لکھو:



لوک گیت

بیساکھی



آئی رُت البیلی
نیلی ساوی ہوئی بیلی
چمکیں ڈھا کاتے نالے ناڑ



بیساکھی آگئی ہے

آئی رُت مستانی
شوکیں چھمراں کا پانی
سوہنا لگیں جنگل تے بیار

بیساکھی آگئی ہے



نیلے تلئیں چریں مال
مڑ آیا بکروال
نیلا ہو یا یہ گیدراتے کاڑ

بیساکھی آگئی ہے

مڑ آئی ہے بیساکھی
میرے سینے لگی پاکی
نی مکتا ویہ دل کا ساڑ

بیساکھی آگئی ہے